

أَجْمَلُ الْقُرَارِ

أخذت القرار بإصرار
هسيبك
وطريقي مش هيكون
طريقك
مهما صار
ما انا استحملت كثير
حبيتك وخوفت عليك
وكنت عليك بغير
وانت كما الطفل
الصغير
بتلعب لعبة النار
ياما حذرتك
هتتحرق
خليك عاقل وكبير
ما سمعتش
واتغريت بنفسك
ونار القلوب إلى وجعتها
حرقتك
ولديتك دمرتك
وبقيت لشهوتك
أسير
طيب أنا دورى إيه

أما أمد إيدى جو قلبك
والأقيه مليون قلوب
إلى ف هواك أسيرة
وإلى في عينك أميرة
وإلى أنت شمسها وضلها
وأرضها وبتموت م الغيرة
وبدل الدم بيتعصر قلبك
كلام معسول
يسيطر على العقول
ولو حتى كلام
مش معقول
قلبك عمره ما حب
مبدور بشهوتك حب
حبايه للعشق البرىء
وحبايه كأنك صديق
وحبايه لمتعه وحريق
وأما الحياه عليك تضيق
تجرى تترمى ف حضنى
تقولى انتى أمانى وأمنى
أقف معاك
وأداوى هواك
وأما تطيب
تجرى تدور على غيرى
حبيب
كان لازم أخذ قرار
إنى مش رجعالك تانى
وكلي إصرار